

堅

瓠

集

序

客有喜談猶龍氏者謂其片紙
尺幅無不令人解頤余因出稼
翁所著堅瓠集示之曰均小史
也猶龍之作濃而纖稼翁之作
淡而雅猶龍之作蓋志乎此而

好弄其筆墨者也稼翁之作則
非其志乎此聊藉此以自寫其
閒適者也稼翁當年少氣盛時
於書無不窺酉山之富包羅於
曾固將爲澤之莪野之苹豈其
飽繫云爾乎旣乃謝去雕蟲之

業猶搜錄秦漢以來遺書廣求
故明一代軼事下逮括帖其小
品未經人識者亦復次其卷帙
藏之篋笥曰吾以畱兒讀也是
豈喜爲游談而不要諸根柢者
哉祇以溫溫無所試徒家居而

序
坐縻廩食將自比伐檀之君子
猶疑素餐欲學考槃之詩人空
之寤宿閒情縷縷觸緒紛來寓
之短札不覺日累而多耳客曰
然則子何以知稼翁之志乎曰
於其名是集即知之矣不見屈

轂之語田仲者耶夫瓠可以盛
物可以割而斟固宜有用於世
顧自甘於堅石而無竅蓋曰人
固有不仰食於人而亦不必皇
皇於世用者類此瓠也其諸稼
翁之所以自况也與

通家小弟湯傳榘子方氏
拜題

堅瓠八集卷之一目錄

物幻詩

物幻詞

十空曲

咏針

緘默無事

遇呂純陽

佛印見東坡

兩朝甲子歌

尤悔庵詞

改題見用

易題致富

三生公案圖

張仲宗詞

劉叔安詞

借尸還魂

晨昏鐘鼓

風水

白雄雞

日午牡丹

高鳳善卜

大光祿坊

莎衣真人

許志仁奇遇

茶肆短鬼

急力執傘

食置肉笑顰

非非子

糲梅

扇板題詩

保和真人

禮闈唱酬

直言得罪

十遇詞

陽關三疊

陶泉明

行情

何鼎

閩人抗宋

物異

鸚鵡

野賓

狎狔

犬

詠貓

貓捕鼠

酒狂

楊文忠對

遊佛寺對

百日紅萬年青

劉貢父

白折

董文玉

顧未齋

王汝玉

鐵冠道人

一箭對

董通判對

雲藍紙

竹夫人詞

墨

幽歡詞

燈花

堅瓠八集卷之一

長洲石農褚人獲學稼纂輯

物幻詩

吳梅村先生有物幻八詩詠繭虎云南山
五日鏡奩開綵索春葱縛軼材奇物巧從
蠶館製內家親見豹房來越巫辟惡鏤金
勝漢將擒生畫玉臺最是繭絲添虎翼難
將續命訴牛哀 茄牛云擊鼓喧闐笑未

休泥車瓦狗出同游生成豈比東隣犢
蘇何來孺子牛老圃盤餐誇特殺太牢滋
味入常羞看他諸葛貪游戲苦闢兒曹巧
運籌 蘇崔云丁令歸來寄素書羽毛零
落待何如雲霄豈有舖糟計飲啄寧關逐
臭餘雪比撒塩推勁翻蟻旋封垤附專車
秦皇跨崔思仙去死骨何因葬鮑魚 蟬
猴云仙蛻誰傳不死方最高枝處憶同行

移將吸露迎風意。做就輕軀細骨粧。薄髥
影如逢越女。斷腸聲豈怨齊王。內家近作
通侯相。賜出貂蟬傲粉郎。蘆筆云採箬
編蒲課筆耕。織簾居士擅書名。掃來魯壁
枯難用。焚就秦灰製不成。飛白夜窓花入
夢。草玄秋閣雁銜橫。中山本是盧郎宅。錯
認移封號管城。橘燈云掩映蘭膏葉底
詩。玉盤纖手出無心。花開槐市枝枝火。霜

瀟江潭樹樹金繡佛傳燈珠錯落洞仙爭
奕漏深沉饒他丁緩施工巧不及生成在
上林 桃核船云漢家水戰習昆明憂倩
偷來下瀨橫三士漫成齊相計五湖好載
越姝行桑田核種千年久河渚槎浮一葉
輕從此武陵漁問渡胡麻飯裹棹歌聲
蓮蓬人云獨立平生重此翁反裘雙袖倚
東風殘身顛倒憑誰戲亂服纓踈耻便工

共結苦心諸子散早拈香粉美人空莫嫌
到老絲難斷總在污泥不染中先生入詩
隨物肖形麗而不纖久已膾炙人口近於
友人處復得前題八詠亦巢先生所作今
錄於左故事良辰詎可違巧裝新樣出閨
闈剪將筐上飛蛾蛻製就釵頭猛虎威綷
縷絲皆同豹飾斑斑文邇綴蠶衣形摹毒
勢真能肖縛艾徒傳掛戶扉 置尾裝頭

堅瓠集

卷一

三

老特成戲牽几案作春耕耳因露潤真能
濕色自天生却類駢棄入高厨如殼棘蒸
爲清供卽犧牲夜來鼯鼠防侵食乾蒂猶
看兩角橫 俄將枯質化胎仙雙翅翩翩
自儼然血肉盡除惟有骨塵氛未脫尙留
羶巧裝貴擬軒車上近玩卑從耳目前七
筋棄餘真像出薛公圖畫不須傳 出土
凌高脫殼新山公形態擬來真轉九智更

能升木齊女名應喚楚人噪柳竟成啼
峽狀綠藤全失吸風神危機幸免螳螂捕
猶作驚弓抱樹身折取汀蘆搦管宜戲將
揮灑效臨池雁銜好作天邊字
臣餽曾題葉上詩獵向中山當渚上退爲高塚是霜
時斷簾敗筆皆堪用藩溷還教置不遺
大顆勻圓選最良明燈巧製照閨房摘來
園叟千頭盛造出佳人十指香
然火赤皮

同映日添膏朱實類含漿綴珠剪綵懸花
葉何似天成不待裝規模渺少體仍全
剡木依稀古聖傳擇取豈留天上種造來
疑泛水中仙絕勝縮地囊瀛竹堪擬隨波
太乙蓮安得時時多載酒奇珍妙手製青
田手劈房空未棄捐人形製就能翩然
精魂豈轉三生石胎孕真從九品蓮紺色
衣疑裁縠縷清香身似染爐烟長裙曳地

腰肢束有恨無情自可憐

物幻詞

吳梅村先生物幻八詩頗極巧妙尤悔庵
先生謂其題近於詞爲西江月小調足之
繭虎云五道蠶叢初闢三盆虎圈俄修采
桑秦女自風流翻學下車馮婦浴罷恰
如得子纔成便可封侯綵絲束縛掛釵頭
傍向盤龍欲闢茄牛云小菜放於牧野

太牢起自田家樊遲老圃大排衙演出伯
牛司馬 入甕莫愁穀齮着鞭却喜了义
兒童牽線笑喧譁唱道夕陽來下 蒼崔
云聞說枯魚欲泣何爲化霍來歸霓裳玉
珮自清暉八肆終慚形穢 北海已成速
朽南山幾見高飛鯢鵬變化是耶非小作
逍遙遊戲 蟬猴云齊女一朝怨死王孫
再世嬉游三聲哀叫斷腸秋却恨當年無

甲 跳擲不憂螳臂沸羹早兆羊頭從來
蟬冕拜通侯問是沐猴冠否 蘆筆云書
帶草生筆冢墨池人在蘆中白頭翁變黑
頭公夜夜飛花入夢 畫荻教成孺子編
蒲學近儒宗雁行銜去向江東寫出錦書
珍重 橘燈云金顆千頭火樹玉荷四照
霜花書生懷袖向窓紗長伴紅衣不夜
心事任教分割風光尚費周遮美人對影

暗嗟呀決意爲郎吹罷 桃核船云種自

玄都道士載從渡口漁翁小兒偷出碧雲

宮頃刻帆檣飛動 蘆葦似來江上竹枝

疑汎圖中桃根桃葉棹歌同兩槳春風吹

送 蓮蓬人云妾比芙蓉解語郎如碧藕

多思個人憔悴倒懸時知道無心憐子

空洞此中無物嘲強猶昔孤支亂頭粗服

貌如斯未必六郎相似

十空曲

尤悔庵先生駐雲飛十空曲一國三公車
馬長安殿閣中鼎爵分班奉金印輪流弄
嘹白首戀鳴鐘青山木拱華表銘旌斷送
黃梁夢君看蓋世功名總是空萬貫千
鍾篋蠹青耿倉朽紅合藥燒丹永掘土埋
銀甕嘹金穴與陵銅化成泥塚雖有錢神
難買南柯夢君看敵國資財總是空北

苑南宮萬戶千門擬九重金屋阿房術金
谷天台洞際葉樹土花封牛羊丘壠綺閣
迷樓也等華胥夢君看甲第田園總是空
翠翠紅紅十二金釵列小童綺席雲鬟
擁錦帳花心動噤脂粉髑髏工狐精賣弄
雨散雲收想斷巫山夢君看絕世紅顏總
是空絃索叮咚絳蠟燒殘曲未終鼓疊
江南新簫吹秦樓鳳唳轉盼白楊風挽歌

相送子弟梨園同入鈎天夢君看大地青
聲總是空 熊掌駝峯下箸千錢不足供
美酒金尊送肥肉臺盤捧 殺氣滿喉隴
請公入甕逐鹿烹羔變作芭蕉夢君看飲
食因緣總是空 青母黃公嫁女婿男風
俗通交頸鴛衾共繞膝烏衣從 躑分手各
西東主人翁仲打散鴛鴦破熊羆夢君
看眷屬團團總是空 繡虎雕龍綵筆吟

成萬卷工獻賦長楊重問字立亭衆喙何
處哭秋風淒涼交冢一部南華不過莊周
夢君看錦繡文章總是空 豎子英雄觸
閭蠻爭蝸角中一飯丘山重睚眦刀兵痛
嗟世路石尤風移山何用飄瓦虛舟不礙
松風夢君看爾我恩讐總是空 擾擾匆
匆遮莫晨雞與暮鐘楚策無須喙公案何
勞頌嗟早覓王人公風旛不動放下機關

圓破蒲團夢君看萬法無常總是空

咏針

郡有一士遊花街見妓女刺綉帳前妓曰
汝能吟咏以針爲題士曰一寸堅鋼鐵作
針綺羅叢裡度芳春若教玉手抽來急挑
得花心片片新妓爲之契合

緘默無事

廣知世事休開口縱會人前只點頭假若

連頭都不點也無煩惱也無愁又題無事
人云獨坐清寮絕點塵也無撓雜擾閒身
逢人不說人間事便是人間無事人

遇呂純陽

明全州蔣暉仕至太守言曾遇呂純陽于
某觀徘徊相接題詩云宴罷歸來海上山
月飄承露浴金丹夜深崔透秋空碧萬里
西風一劒寒是奇絕不凡語未容輕擬

佛印見東坡

賈進士晚年削髮爲僧名佛印住持虎丘山寺貫穿六經旁通奧義東坡新任蘇州極惡僧釋佛印竟至府門求見卒入報坡曰好生與他說府尊火正紅卒傳命印曰門外一塊鐵卒再入報坡命之進印立丹墀下放杖作揖坡曰山僧如何揖公侯印曰大海終當納細流昨夜虎丘山上望一

堅瓠集

卷一

輪明月照蘓州坡大喜以府堂正對吳山
以吳山爲題命印作詩印曰和尚說老翁
請提筆坡許之印立成曰吳山突兀勢崢
嶸險阻崎嶇徑路橫猛虎出林風激聒老
龍入洞雨汀泮槎牙古樹離斜倒拉拽高
巖屈竅生對景顛纖吟不就靜聽流水響
嚶吼中有難字遽未能寫閣筆久思又恐
失體詢知是佛印遂與之定交

兩朝甲子歌

王東尹先生諱宋生于萬曆壬寅越康熙
甲子年八十有二作兩朝甲子歌曰粵稽
太古軒轅時受命大撓作甲子方山薛氏
編成年古今治亂森如指天啓四載甲子
冬憶余新婚夜雪濃見此粲者邂逅耳錦
衾未煖粧臺空其年便患洪濤灾官有禍
水沒蒿萊河北賊與朝中黨相繼綿延喪

亂來甲申間變真斷腸抱竄呱呱聲恐揚
氣節文章不復道魂遊柴市魄沉湘奏銷
令下暴如雷書卷徒爲浩劫灰若使中年
身便死潦倒名場實可哀何幸假年登髦
臺以遠顏齋志不輟伏羲四圖易之綱不
爐不扇真人傑紫闕但用黃金塗石渠虎
觀真模糊藉茲一編懸日月皇極象數理
不虛擬之議之如有神仁義本爲陰陽根

推驗家門否之泰生婚死葬安我心大抵
吉凶半由已天時人事相表裏安樂窩中
一部書奉以著龜吾老矣吁嗟乎從來世
運轉如輪歲除甲子又陽春上元星辰盡
朝拱且與窮黎宴太平歌曰天開甲子兮
人學義皇壽命孔長兮好易無荒骨肉復
聚兮少長咸康惜碩果之匏繫兮誓藝蘭
九畹集芬芳

尤悔庵詞

尤悔庵先生閨詞調寄卜筮子整日數圓
期數了回頭數不信朝朝暮暮思曆本看
掀破特地倚門粧依舊空床卧多分宵來
夢不應今夜拚重做又偶感調醜奴兒令
春來秋去何時了昨日陰山今日陽關白
髮黃雞彈指間只求夢裏流年好今夜那
鄆明夜巫山睡過三生亦喜歡

改題見用

萬曆壬子蘓郡侯鄞縣趙世祿錄科試題
出康誥曰如保赤子節一書吏某稟曰今
日錄科題有不中字請一改易趙然之易
夫人不言言必有中後趙信任某吏遂得
大用秋榜發郡士得雋者三十二人周忠
介順昌姚文毅希孟王遵義仲聖沈應明
陸康稷熊秉鑑皆是科所取士也家

叔

辛

祖香菑公承慈亦與焉明三百年得士之
盛未有如此科者也○先嚴七預棘闈皆
以數竒不偶崇禎丙子七月赴省鄉試外
叔祖王養和公設餞客卜色欲以元魁送
先君偶差一點客惜之外叔祖云雖不中
不遠矣旣而自悔失言闈中卷受知於公
安袁特丘彭年先生取冠本房與主司王
錫衮爭元王以麟經爲辭先生堅請言語

少齒遂擢置副榜竟成語讖

易題致富

天啓中崔魏用事爭傳其有不軌之志北
直學使者考校宛平童子題出忠矣至清
矣牌已書就命教官傳諭一教官請曰此
題還求太宗師更易學使者聲色俱厲曰
爾以是題爲不佳乎教官從容對曰題甚
佳但其中包崔子弑君一段不見高啓愚

野亦以命再題爲南臺抨擊乎學使者改
容謝之嗣後凡事與商致富不貲

三生公案圖

金陵瑣事西虹太守有無住菴主畫圓澤
三生公案卷筆法高古宋元名公題詩甚
多趙子昂絕句云川上清風非有著松間
明月本無塵不知二子緣何事苦戀前身
與後身識兒超脫過人甚遠

張仲宗詞

張仲宗夜遊宮辭云半吐寒梅未拆雙魚
洗冰漸初結戶外明簾風任揭擁紅爐酒
窓間稷雪 此自去年時節這心事有人
歡悅斗帳重薰鴛被疊酒微醺管燈花今
夜別雙魚洗盥手之器見博古圖稷雪霰
也形如米粒能穿瓦透窓見毛詩疏

劉叔安詞

劉叔安名鎮號隨如元夕慶春澤一首入
草堂選又有阮郎歸云寒陰漠漠夜來霜
堦庭楓葉黃歸鴉數點帶斜陽誰家砧杵
忙燈美幌月侵廊熏籠添寶香小屏低枕
怯更長和雲入醉鄉亦清灑可誦

借尸還魂

石溪閒筆載王坦之與竺法師相厚約先
死者以冥事之有無相質後法師先死十

餘年一旦來見坦之告以幽冥之事皆有
唯當修德以臻福地未幾坦之卒近日輪
迴頗有奇異果有借尸還魂者吾蘓舊學
前徐桃花女年及笄許字金閨王某康熙
丁巳六月十八日忽爲神所憑依禱祀無
效至十月十九日而卒父母哀之越二日
而女復甦見父母茫然不識聲音笑貌與
平日絕異恠而聞之乃云吾是震澤鎮王

某女名秀蘭年十有七六月十三日爲上方山三相公拘去後欲放還尸已燒化令我到此守候今汝女去纔放我回耳言其族屬里居甚悉初還魂時邑人無不往觀予家童亦目覩數日後秀蘭忽若夢魘之狀少頃女歸與父母問訊言詞宛然且云秀蘭與王某亦有姻緣之分宜早歸之今已嫁去乃知齊諧夷堅所載未盡誣也

晨昏鐘鼓

天下晨昏鐘聲之數叩一百八聲者一歲之義也蓋年有十二月有二十四氣又有七十二候正得其數但聲之緩急節奏各處不同吾蕪歌曰緊十八慢十八中間十八徐徐發兩度轉成一百八杭州歌曰前發三十六後發三十六中發三十六聲急通共一百八聲息越州歌曰緊十八緩十

八六遍湊成一百八台州歌曰前擊七後
擊八中間十八徐徐發更兼臨後擊三聲
三通湊成一百八禁鼓一千二百三十聲
爲一通三千六百九十聲爲三通在外更
鼓三百三十槌爲一通千槌爲三通○釋
氏念珠亦取一歲之義

風水

七修類藁徐州不打春邳州無東門若使

打春與開門蝎子咬殺人文海披沙東門
有諺曰夏津不撞鐘高唐無北門撞鐘人
頭痛北門主蝗虫相沿至今不敢易也湧
幢小品蕭縣亦不撞鐘撞之則水至

白雄雞

六月二十四日爲清源妙道真君誕辰吳
人祀之必用白雄雞相傳已久不解其故
及閱陳藏器本草拾遺云白雄雞生三年

者能爲鬼神所役使吳人用祀真君或亦
山川不含驂角之意

日午牡丹

昔人畫牡丹一枝盛開旁蹲一猫其睛如
線識者曰此日午牡丹也蓋猫睛可以驗
時語曰子午如線卯酉圓寅申巳亥似牛
尖辰戌丑未如杏匾此法千金總莫傳凡
花盛開於午午猫擬其盛也

高鳳善卜

閩縣高鳳善卜遇物輒以意推不專川易
弘治己酉福州傳用養鼎求占科名鳳曰
君第一人也旣而果然或問其故鳳曰吾
適剖椰子而用養至其象解圓當爲解元
弘治戊午秋試前鎮守內臣書一興字令
鳳占解元在何府鳳曰尊意得無在興化
乎但所書興字從俗省書其人在中而八

府俱下必閩城矣及揭曉乃侯官林克仁
士元鳳嘗語人卜若可信鳳以儒學吏當
至五品京職不知何從得之弘治中召入
宮中占驗恩授工部郎中

大光祿牌坊

予家西白塔巷祖居東首有大光祿牌坊
乃嘉靖間蘄州知府溫景葵爲坊師章茂
實煥所建東曰大中丞西曰大光祿欽於

中間起第不意建坊甫竟茂實以事被逮
遣戍時有口號曰大中丞完子就問軍大
光祿燒得光禿禿問軍之謠已驗康熙已
未十月晦日予家人不戒於火焚燬門屋
及坊合里震驚幸而獲息燒光之言至百
有二十餘年始驗

莎衣真人

莎衣真人姓何淮陽廬山人後居平江身

衣白欄衫晝則沿門乞食夜則宿天慶觀
久而衣敝以莎緝之人無貴賤問以休咎
無不音中宋孝宗聞而召之不至賜號通
神先生有警世詞云在世爲仙須有分不
須食素持齋寸絲不着掛形骸義衣爲伴
侶簪笠作家懷行滿三千上界奉勅宜至
金臺傳言問汝有何栽人生長富貴陰隲
種將來後無疾而化今像在裴衣殿中

許志仁奇遇

宋蜀士許志仁赴臨安覓差遣在袁家湯店止泊淹留數年囊篋殆盡每見士大夫則鞠躬相揖人憫其窮必少贈之一夕孝宗與曾叅政從龍微行人袁店與湯志仁揖之甚恭孝宗念此人何敬如此故遣一扇與之志仁卽起逕奉還孝宗問汝何處人在此何爲志仁言某蜀人在此待差遣

日久窮困又問年月日時適與上合孝宗
日曾叅政說欠閩州太守明日以書薦汝
去受差碎又付黃金二十兩作裹囊歸鄉
志仁大感孝宗復以其命與人推筭星翁
云此是主上命孝宗曰此蜀中士許姓命
星翁曰若果然則目下亦遇大貴超陞孝
宗歸御筆令志仁交閩州知州事復以金
二十兩令曾叅政密封與之志仁不之知

攜歸見閬州守守拆開見是御筆前守改
除利州西路提刑俱各謝恩任事

茶肆短鬼

范質未貴時過茶肆見人狀貌恠陋前揖
曰兵戈至相公無慮范所執扇書大暑去
酷吏清風來故人句人曰世之酷吏何止
如大暑也公他日當究此弊因攜扇去范
惘然後至伏廟一土木短鬼貌肖茶肆所

見扇亦在手范心異之果大貴封魯公

急力執傘

撫州晏文正在太學時出市遇驟雨忽一人擎黃傘覆之曰送相公同學晏恐犯法却之其人曰無憂也晏疾行同學令候於門取錢謝之人忽不見時市人見晏冒雨不沾體恠之至寶曆間宰長沙至一廟見一急足擎黃傘儼然當日執蓋者也

食置肉笑厖

秦檜末年大誅殺以爲善類逮趙忠簡之
子汾下獄汾就逮自分必死因囑其家曰
此行無全理脫幸有恩言當於饑食中置
肉笑厖一以爲信母忘旣入獄月餘無所
聞獄卒曰施慘酷奄奄待盡忽外致食滿
橐皆笑厖汾泣曰吾約以一而今乃多如
是殆給我旣而獄吏皆來賀始知檜已死

獄事得解汾卽日脫械出

非非子

金陵瓊事徐天賜魏國公第宅在大功坊內基與府學相接不能擴充尺十地因謀於府尹蔣督學趙復賂武斷生員任芳等約以尊經閣後民間之地易學官右邊空地生員周音作非非子一篇粘於學壁極言夫子貧厄門人嘗地語侵上官督學

聞之畏公議不容遂已其事嘗乃刑書周
瑄之子高才博學此舉人多義之

瓶梅

郡有豪僕倚財放恣謔侮西席春日折梅
佐酒置諸瓶戲謂師曰以此賦詩師卽口
占曰瓶養梅花供歲新此中那得闌芳春
有香有色皆因水無葉無根難保身竹松
不與爲三友風月何曾作兩隣看來總是

無成局休倚東風冷笑人時稱蘿蔔絲師

扇板題詩

宋景定間清河坊扇店有道人來補扇店
主與一新扇道人於扇板題詩曰一輪明
月四時新一握清風煞可人明月清風年
年有人世炎涼知幾塵題畢而去墨蹟直
透板背觀者紛紛利市比常十倍致留不
賢後道人來以補拂之字遂不見

保和真人

潼州王藻爲府獄吏每日暮歸必持金一
與妻妻疑其鬻獄所得嘗遣婢餽食藻歸
妻問曰適饌猪蹄甚美故悉送十三衛能
盡食否藻曰止得十衛耳妻佯怒曰此必
婢竊食或與他人藻縛婢鞠訊不勝楚痛
遂引伏欲杖逐之妻始言曰君爲推司久
日持錢歸我疑煨煉成獄姑以婢事試汝

安有是哉自今以往願勿以不義之錢求
藻矍然大悟取筆題壁曰枷願追求只爲
金轉增寃債幾何深從今不願顧刀筆放
下歸來遊翠林卽辭役棄家學道後飛昇
賜號保和真人

禮開唱酬

至和嘉祐間舉子作文尙許涇讀或不能
成何歐陽永叔力革其弊旣知貢舉凡涉

雕刻者皆黜落時范景仁王禹玉梅公儀
等同事而梅聖俞爲忝詳宮未引試前唱
酬詩句頗多歐公無譚戰士衝枚勇下筆
春蚕食葉聲句最爲警策聖俞萬蟻戰時
春日煖五星明處夜堂深句亦爲諸公所
賞及放榜平日有聲如劉幾輦皆不預選
士論洶洶然以爲主司耽於唱酬不暇
詳考校且以五星自比而待我曹如蚕蟻

因造爲醜語并作醉蓬萊詞以譏歐公自
是禮闈不敢作詩矣

直言得罪

宋徽宗卽位下詔求直言及上書與廷試
直言者俱得罪時有謠詞云當初新下求
言詔引得都來胡道人人招是駱賓王并
洛陽年少白訟監官并岳廟都教一時閒
了誤人多是誤人多誤了人各少

十遇詞

嘉言隨筆顧稻生有十遇詞云遇友且諛
諛遇酒且酌酌遇詩且作作遇甚且着着
遇美人且綽綽遇好景求釀釀遇新聞但
博博遇爭是非但噓噓遇俗務則却却遇
談人過則略略老至病來不用藥生無媿
兮死無忤宇宙曠兮天地豁遇兮遇兮胡
不樂十遇中五且二則二但一求客有問

於先生者先生曰且者遇則爲不遇亦不敢必則者必然之詞但者率然之意惟求則必欲如此不得放過也

陽關三疊

唐人箋別多唱渭城卽王右丞渭城朝雨
浥輕塵詩也每句皆再唱而第一句不疊
故曰陽關三疊白香山詩云相逢且莫推
辭醉聽唱陽關第四聲註云第四聲勸君

更盡一杯酒也若秋澗集所云就中儘是
銷魂處不待聽歌第四聲乃西出陽關無
故人句也

陶泉明

海陸碎事謂陶淵明一字泉明唐詩多用
之耿緯云何事學泉明韓翃云聞道泉明
居止近不知稱淵明爲泉明者蓋避唐高
祖諱耳猶楊淵之稱楊泉非一字泉明也

行情

商賈貿易物價貴賤曰行情不曰理與勢者可見不能使價之畫一悉隨時爲低昂故曰情昔趙清獻知越州兩浙早醒米價騰貴諸州皆禁增價公獨榜通衢有米者增價糴之於是商賈輻輳價遂損減民賴以安若以勢禁之則商賈裹足米愈少必至于亂當事者不可不知也

何鼎

弘治中內臣何鼎性儉素好讀書見張后
兄弟出入宮中心甚忿之一日孝宗與張
飲偶起如廁除御冠張戲戴之又帶酒污
宮人鼎遂持屣候宮門欲擊之李廣傳露
得脫明日上疏鼎被張后杖死時翰林某
有詩曰外戚擅權天下有內臣抗疏古今
無道合比干惟異世心如巷伯却同符

閩人抗宋

韓世忠楊子江之戰兀朮破膽幾成擒矣
閩人王某教以土實并射火箭遂得脫去
德祐降表無人肯任閩人劉褒然爲之繼
此行省稱賀表文實難措筆亦閩人陸威
作之文曰禹貢之別九州冀爲中國春秋
之大一統宋亦稱臣辭若可聽意則有乖
何閩人之抗宋而甘心於臣敵也

物異

物之瘦者蜈蚣輕者蝴蝶小者蜘蛛嶺南
異物志人於海中見有物如帆過海將到
舟競以物擊破碎墮下乃蝴蝶也去其翅
足得肉八十斤噉之極肥元中統初燕市
一蝴蝶甚大大名王和卿賦醉中天詞云
拚破莊周夢兩翅駕東風三百處名園一
采一箇空難道風流種說殺尋芳蜜蜂輕

輕的飛動賣花人揭過墻東葛洪遐觀賦
蜈蚣大者長百步頭如車箱肉白如瓠南
越志大者皮可鞮鼓肉作脯美於牛肉酉
陽雜俎蜘蛛大者如車輪雙傀儡歲抄薊州
盤山有蜘蛛與龍鬪爲龍所斃人獻其皮
如車輪中有大珠光采奪目廣莫野語海
蜘蛛巨若車輪虎豹麋鹿間觸其網卒不
可脫俟斃乃食之諸書所載或未盡証

鸚鵡

宋高宗喜養鸚鵡能言語高宗一日問曰
思鄉否應曰思鄉遣中使送還隴山後數
年有使臣過鸚鵡問何處來使臣曰自杭
州來又問上皇安否使臣曰上皇崩矣鸚
鵡皆悲鳴不已使臣賦詩悼之曰隴口山
深草似荒行人到此斷肝腸耳邊不忍聽
鸚鵡猶在枝頭說上皇

野賓

宋主仁裕養一猿名曰野賓久而思去作
詩放之云放汝可啼復故林舊時侶伴好
相尋耐寒不憚霜中宿隱跡從教霧裏深
歸去免勞青嶂夢躋攀應恰白雲心三秋
菓熟松梢健任抱高枝徹曉吟後仁裕入
蜀適塚塚祠前漢陰之消群猿連臂下飲
一巨猿獨躍前前從僕指曰野賓呼之即

應哀鳴不忍去仁裕作詩傷之曰壻塚祠
前漢水濱山猿連臂下嶙峋漸來子細覓
前客認得依稀似野賓月宿兒勞羈綫夢
松棲那復稻梁身數聲腸斷連雲叫知是
當時舊主人

狎狎

南荒有獸名曰狎狎見人衣冠鮮麗輒跪
拜而隨之雖驅擊不去身有奇臭惟膝骨

三
脆美謂之媚骨土人以爲珍饈則世之善
諂者皆有媚骨者也是亦人之狎獮矣

犬

世呼媚權攻人者曰犬但犬有至性家雖
貧弗嫌也鄰雖富弗趨也遇非其主則吠
之夜則觸邪防奸蓋義獸也若奸邪小人
擔誰之爵祿誰之圭享誰之祿而甘爲權
門出死力成戕類之人也犬且羞之矣

詠貓

古人咏貓絕句甚多而用意各別黃山谷
乞貓詩云秋來鼠輩欺貓死窺甕翻盆覺
夜眠聞道狸奴將數子買魚穿柳陂街蟬
猶各喻小人得志薰用君子之意劉子亨
云口角風來薄荷香綠陰庭院醉斜陽向
人只作猙獰勢不管黃昏鼠輩忙語涉訕
刺劉潛夫云古人養客乏車魚今爾何功

客不如食有溪魚眠有毯忍教鼠齧案頭
書語稍含蓄而督責亦露陸務觀云褻益
迎得小狸奴盡護山房萬卷書慚媿家貧
策勛薄寒無氈坐食無魚席平厚施薄責
而報者自媿惟劉伯溫云碧眼烏圓食有
魚仰看蝴蝶坐階除春風漾漾吹花影一
任東風鼠化鴛鴦真豁達容法禁不施奸
尤自化信王佐才也

猫捕鼠

在林玉露武則天斷王后蕭妃手足置酒
甕中曰使二姬骨醉蕭妃臨死曰願武爲
鼠吾爲猫生生世世扼其喉每見猫捕鼠
未嘗不稱快因作詩云陋室偏遭黠鼠欺
狸奴雖小策勛奇扼喉莫道無餘力應記
當年骨醉時○金聖歎曰空齋獨坐正思
夜來床頭鼠耗可惱不知其戛戛者損我

堅瓠集

卷一

詩

何器噓噓者襲我何書中心回惑忽見一
俊貓注目搖尾似有所觀歛聲屏息少復
待之則疾趨如風擻然一聲而此物竟去
矣不亦快哉

酒狂

唐許碛登樓飲酒題詩於壁曰闌苑花前
是醉鄉誤翻王母九霄觴群仙拍手嫌輕
薄謫向人間作酒狂題畢乘雲而去

楊文忠對

楊廷和七歲時父月夜宴客一客云有一
更矣一客云半夜矣一客云五更有一半
矣時公在坐側客出對云一夜五更半夜
五更之半公對云三秋八月中秋八月之
中後十二舉於鄉十九登進士廩官少師

遊佛寺對

王彞同友人遊佛寺友出對云彌勒放下

布袋釋迦難陀王應聲曰觀音失却淨瓶
寒山拾得

百日紅萬年青

松江吏書徐某之子幼聰慧其隣顧友試
之曰花無百日紅紫薇獨占對曰松有萬
年青羅漢常尊顧大驚

劉貢父

劉貢父至一友人家見群雞啄食友云雞

飢喫食呼童拾石逐飢雞劉對云崔渴捨
漿命僕將錦驚渴崔

白圻

白圻數歲時師見雷電交作命對云電掣
雲邊火獸拽開金絡索白圻對云月沉海
底碧波湧出水晶毬

董文玉

董文玉珉八歲時一御史聞其名招至舟

中曰久慕汝神童也今試一對果佳當奏
知朝廷命對曰船載石頭石重船輕輕載
重董應聲曰杖量地面地長杖短短景長
御史大賞奏之朝賜入太學後榜眼及第

顧未齋

顧九和鼎軍同尊人觀新柳啼鶯父命對
曰柳線勞梭織就江南三月錦公云雲箋
雁字傳來塞北九秋書後至狀元宰輔

王汝玉

王汝玉九歲時值寒食節師出對云塚上
燒錢灰逐微風成粉蝶王對曰池邊沈視
墨隨流水化烏龍後發浙解以翰林編修
丹青書法雙絕

鐵冠道人

鐵冠道人張景和江右方士結廬鍾山下
梁國公藍玉携酒訪之道人野服出迎玉

以其輕已不悅酒行戲曰吾有一語請先生屬對云脚穿芒履迎賓足下無禮道人指玉所持柳杯復之曰手執柳瓢作盞尊前不忠後玉竟以逆誅

一韻對

邊尚書貢繼妻胡氏能通書義廷實多侍姬胡嘗反自一日宴客客舉令曰討小老嫖憊廷實不能對胡以片紙書想娘狂郎

忙云何不以此對之坐客大笑○徐尚書
晞爲都吏日偶隨守步庭暉中見一鹿伏
地守得句云屋北鹿獨宿思無以對晞卽
對曰溪西雞齊啼守大驚異遂不以常禮
待之

董通判對

常州府同知吳通判董至無錫飲紅白酒
而醉吳出對云紅白相兼醉後不知南北

董云青黃不接貧求賣了東西

雲藍紙

段成式與溫庭筠雲藍紙詩序曰予在九
江山意造雲藍紙輒分送五十枚其詩曰
三十六鱗充使時數番猶得表相思蓋龍
八十一鱗鯉三十六鱗也至宋景文詩云
君軒戀結蕭蕭馬尺素愁憑六六魚又使
六六三十六也

竹夫人詞

從別楚山誰憐寂寞冰玉相看忍拋却當
初不解郎心冷而今把妾空磨閣晚風輕
午夢清思量着○冰肌玉骨最輕盈每結
同心托此人不與等閒成匹偶思量要嫁
翰林人○桐城錢如畿詩云肌骨清奇氣
味真藤床當暑不辭頻秋風一夜恩先斷
始信人情太不仁

墨

記當初剔銀燈重把眉兒掃那其間似漆
投膠可憐自落煙花套這磨頭多應是奴
命招全軀恐難保香肌越消耗看看捱個
今年捱不過明年了寄語兒曹好把芳魂
紙上描

幽歡詞

支願集有幽歡詞調寄點絳脣云帶雨尤

雲靠人緊把腰兒貼顫聲不徹肯放郎教
歌檀口微微笑吐丁香舌噴龍麝被郎輕
嚙却更嗔郎劣○又調寄鬲雲鬆二詞曰
洞房幽平徑絕拂袖出門踏破花心月鐘
鼓樓中聲樂歡歡娛佳境闌入何曾怯
擁香衾情雨結覆雨翻雲暗把春偷設苦
良宵容易別試聽紫燕深深說漏聲沉
人影絕素手相携轉過花陰月蓮步輕移

堅瓠集

卷一

四

辛

嬌又歇怕人瞧見欲進羞還怯
口脂香羅帶結誓海盟山盡向枕邊設可恨雞聲
催曉別臨行猶自低低說

燈花

文衡山燈花詩云金莖吐蕙粟索索火樹
騰輝影陸離紫暈凝芝春見跋絳痕消蠟
夜敲碁心憎積雨何當霽事卜明朝喜可
知一笑自開還自樂居然不受曉風吹